

---

## Iz ornitološke bilježnice

### Ušati gnjurac (*Podiceps auritus*) na Vranici

**Slavonian Grebe (*Podiceps auritus*) on Vranica:** During the observations performed on 21 October 2005 on Vranica Mountain 8 individuals of Slavonian Grebe (*Podiceps auritus*), a rarely recorded bird in Bosnia and Herzegovina, were registered.

Dana 21. 10. 2005. u okolini Prokoškog jezera na planini Vranici obavljena su cjelodnevna ornitološka posmatranja. Najzanimljiviji nalaz tog dana bila je skupina od osam primjeraka ušatih gnjuraca (*Podiceps auritus*). Data vrsta u Bosni i Hercegovini je zabilježena svega tri puta [Obratil, 1967: Pregled istraživanja ornitofaune Bosne i Hercegovine II. Glasnik Zemaljskog muzeja BiH, (PN) NS 6: 227-254] i to po jedan primjerak. Navedena skupina je posmatrana desetak minuta. Ptice su se zadržavale zajedno na sredini jezera, pri tome povremeno dižući savijene vratove. Pored spomenutog, tokom istog dana registrovano je još nekoliko vrsta. Na travnatim površinama često su opažane planinske trepteljke (*Anthus spinolleta*) i drozdovi imelaši (*Turdus viscivorus*). Zabilježeno je i desetak drizdova bravenjaka (*Turdus pilaris*), jedan mali drozd (*Turdus iliacus*), četiri ga vrana (*Corvus corax*), te tri batokljuna (*Coccythraustes coccythraustes*).

---

Najuočljivija ptica tog dana, koji je viđan u jatima 5-50 jedinki, je čižak (*Carduelis spinus*). U skupinama planinskih borova često su opažane jelove sjenice (*Parus ater*) u društvu sa kraljićima (*Regulus* sp.). Na obradivim površinama uz vikendice koje okružuju Prokoško jezero registrovane su četiri sive vrane (*Corvus corone cornix*), dvije žutarice (*Serinus serinus*), pet zebe (*Fringilla coelebs*), jedan primjerak zelendura (*Carduelis chloris*) i jedna žuta strnadica (*Emberiza citrinella*). Od grabljivica u tri navrata je uočen kobac (*Accipiter nisus*).

Dubravko Dender  
Ornitološko društvo "Naše ptice", Semira Frašte 6, 71000 Sarajevo,  
naseptice@hotmail.com